


Good morning kids!



English
summerschool
ESCOLA MUNICIPAL DE VERÁN DE INGLÉS


CONCELLO DE SANTIAGO
Departamento de Educación e Mocidade

Do 2 ao 31
de xullo, 2007



Prazo de preinscrición: do 11 ao 25 de maio
Lugar de presentación de solicitudes: Rexistro Xeral do Concello
(Rúa Presidente Salvador Allende)
Máis información: T.981 554 400 - 401 | F.981 571 511
dptoeducacion@santiagodecompostela.org | www.santiagodecompostela.org

ENGLISH SUMMER SCHOOL

A escola de verán de inglés é unha proposta educativa para o tempo de verán en Compostela, ao longo do mes de xullo, do 2 ao 31, en horario de 8:30 a 14 h, no IES Rosalía de Castro (Rúa de San Clemente).

Dirixida a neno/as e a mozo/as de primeiro de primaria a segundo da ESO, con niveis de inglés diferentes, esta oportunidade de aprendizaxe combina as clases de inglés con obradoiros lúdicos, para aproveitar o tempo de actividade non escolar e practicar e mellorar o seu inglés á vez que utilizan este tempo para procurar novas relacións socializadoras. As actividades da escola de verán de inglés serán impartidas por profesorado inglés.

ORGANIZACIÓN

O Departamento de Educación e Mocidade do Concello de Santiago, dentro da súa oferta formativa para o tempo libre dos escolares de Santiago, organiza esta nova proposta educativa. Seguindo a experiencia desenvolvida no pasado verán da Escola Municipal de verán de inglés, mediante un sistema combinado de obradoiros de contido diverso e actividades de utilización didáctica da cidade.

A execución desta experiencia de aprendizaxe do inglés encoméndase a unha empresa do sector coa que o concello de Santiago acordará o desenvolvemento da proposta e que se fará cargo:

- da impartición das clases e dos obradoiros.
- da preparación das actividades para as clases e os obradoiros.
- da organización dos grupos por niveis de coñecemento de inglés

PROFESORADO

As clases serán impartidas por profesorado nativo. Todo o profesorado conta con formación pedagóxica específica na aprendizaxe de linguas e no desenvolvemento de actividades de dinamización.

OBRAIDOIRS

Os obradoiros serán impartidos íntegramente en inglés ao igual que as clases, actividades e saídas ou itinerarios.

Contarase, entre outros, cos seguintes obradoiros: Elaboración dun Libro, Cancións/Música, Teen Life, Magazine, Role Plays, Pintura, Cociña Elemental, aínda que dependendo das características dos grupos e das idades dos participantes, poderanse producir cambios.

Realizaranse saídas, como por exemplo visitas ao mercado, servizos do concello de Santiago, rede museística, ou calquera outro centro que o departamento de educación estime de interese.

Ademais, dentro dos obradoiros terán cabida actividades ao aire libre e especificamente deportivas, como poden ser, a Busca do Tesouro e Xogos Tradicionais Ingleses, por citar algúns.

DESENVOLVEMENTO DO CAMPUS

O desenvolvemento do campus dividirase en tres bloques:

- O primeiro realizarase á primeira hora da mañá e consistirá nunha clase de inglés onde o enfoque principal vai ser que os nenos e nenas adquiran fluidez e soltura á hora de falar e o profesor/a poda traballar as estruturas gramaticais e a pronunciación. Será un reforzo de todo o impartido ao longo do curso escolar.
- A segunda parte comprenderá obradoiros onde cada grupo realizará actividades distintas e adaptadas ao nivel do grupo.
- A terceira parte da mañá atenderá un conxunto de actividades do tipo de saídas, itinerarios, xogos, manualidades, contacontos que a cidade educadora ofrece, e que o Departamento de Educación e Mocidade desenvolve ao longo do curso escolar.

MATERIAIS

Cada alumno/a disporá, entre outros materiais, dunha mochila na que poderán gardar toda a información que se lles vaia facilitando ao longo do curso.

MATRÍCULA

A matrícula por alumno/a para a participación na Escola Municipal de Verán de Inglés para aqueles que participen durante todo o período (do 2 ao 31 de xullo) é de 150 euros, incluíndo todos os gastos (matrícula, seguros, materiais, profesorado), e para aqueles que participen só durante unha quincena son 90 euros a aboar nun único pago, de acordo coas bases establecidas na ordenanza 4.31 prezo público pola venda de libros, impresos e publicacións; e pola realización de actividades, xornadas, cursos e similares.